



Universitätsbibliothek Paderborn

Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1847

MDCXXII. Friedrich und Wilhelm, Herzöge zu Sachsen, und Friedrich,
Johann und Albrecht, Markgrafen zu Brandenburg, geloben die zwischen
ihnen geschlossene Einigung zu halten, am 3. April 1441.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

vnd vnuorbroken getruwelliken to holdenne, ane hulperede, ane argelift vnd ane alle geuerde. Des alles to orkunde vnd warer bekantnisse hebben wy obgnante Marggreue frederick dem obgnanten vnsem Oheme hertogen Otten vnd vnsem Swagern hertogen fredericke eynem Jywelken sodann brieff met vnsem auhangingen Ingesigel vorfegelt gegeben vnd wy obgnanten Otte vnd fredericke, brudere, hertogen to Brunwick vnd lunenborch, hebben des to bekantnisz vnd sekerheit vnser eyn Jywelk syn Ingesigel by des obgenanten vnser Ohemen vnd Swagers Marggreue fredericks Ingesigel met weten vnd guden willen an dessen brieff laten hangen, Dye geschreuen vnd geuen is to lunenborch, Na godes gebordt vyerteynhundert Jar vnd darnach Im eynvndvrtigstem Jare, am fritage nach dem Sondage Reminiscere in der vasten.

Nach dem Kurmärkischen Lehnscopialbuche XVIII, 52.

MDCXXII. Friedrich und Wilhelm, Herzöge zu Sachsen, und Friedrich, Johann und Albrecht, Markgrafen zu Brandenburg, geloben die zwischen ihnen geschlossene Einigung zu halten, am 3. April 1441.

Von gots gnaden Wir Friderich vnd Wilhelm gebruder, Herczogen zu Sachffen Lantgrauen In doringen vnde Marcgrauen zcu Missen vnd von denselben gnaden wir Friderich Marcgraffe zcu Brandembürg vnd Buregraue zcu Nuremberg, für vns vnd vnser bruder Marcgrauen Johansen vnd Marcgrauen Albrechten, Bekennen mit diesem brieue vmmb sollich gutlich vorschribung vnd büntnisz, So wir denne vor gein eynander vorschriben vnd voreyniget seyn nach clerlichir vtwilung sollichir brieue vor daruber gegeben, wie die danne luten vnd vřzwise, Also haben wir vns obgenanten fürsten vf hüte datum disz brieues hie zcu Halle voreyniget vnd vertragen, Also das sollich brieue vnd vorschribung, wie die denne alle Inneheldet, yn allen yren meynüngen mechtig seyn vnd bleiben sollen, vnd wir auch die getruwelichin vestlichin halden tün vnd volluren sollen vnd wollen genczlich vnd Luter ane alle geuerde, vnd das wir obgenanten fürsten vf den Sontag nach dem heiligen pñstige, so wir Marcgraff Friderich elich bylegen werden hie der benanten von Sachffen vnser liben Ohemen Swester, zcu beiderlyt vnser Rete uber sollich gutlich verschribung bescheiden sollen vnd zcu Rat werden vnd sich zcu vnderreden, ab sollich gutlich verschreibung zu bessern, zu merren ader zcu mynnern sey, vns vnd vnsern Landen vnd Luthen zü nütz vnd zcum besten, vnd das wir obgnanten fürsten auch In der czyt vnser yder des andern dyener, Land vnd lute, die yn zuersprechen stehen, sie seyn In synen ader andern landen getruwelich schutezen vnd schirmen gleicher wisz, als seyn selbst vndertan, Land vnd Lute, vnd das auch vnser obgenanten fürsten die czyt keyner den andern vergeweltige ader oberczihe, da derselbe vnser yder der seynen zcu gliche vnd rechte mechtig ist, als getruwelich vnd angeuerd. Zü orkunde haben wir obgenanten Fri-

derich vnd Wilhelm gebruder, Herzogen zcu Sachffen etc. vnd wir Friderich Marcgraff zcu Brandembürg fur vns vnd vnser bruder Marcgraffen Johannsen vnd Marcgraffen Albrechten obgnanten vnser iczlichir syn Infigil mit rechter wissen an diesen brieff lassen hengen, Der gegeben ist zu Halle, am Mantage nach dem Sontage Judica In der fasten, Nach Cristi gebürt vnzers hern virczenhundert Jar vnd darnach Im eyvndvirczigsten Jare.

Nach dem im R. Sächsisch. Ges. Archiv in Dresden befindlichen Original.

MDCXXIII. Schiedspruch Günthers, Erzbischofs zu Magdeburg, Wilhelms, Herzogen zu Braunschweig, Ludwigs, Landgrafen zu Hessen und Bernbs, Fürsten zu Anhalt, zwischen Friedrich und Wilhelm, Gebrüdern, Herzogen zu Sachsen und dem Capitel zu Würzburg an einem, und Siegmund, Bischofe zu Würzburg und Herzog zu Sachsen und Johann, Friedrich und Albrecht, Markgrafen zu Brandenburg am andern Theile, vom 3. April 1441.

Von gots gnaden Wir Günther, Erzbischove zu Magdeburg etc., Wilhelm zu Brünfwig vnd Lünenborg herzog, Ludwig Lantgraue zu hessen vnd Bernd furste zu Anhalt etc. Bekennen mit disem vnserm offen briue, gen allermeniglich, Als von fulchen vnwillen, zwitracht, myfzhelung, sehde vnd sache wegen, die entstanden vnd bißher gewest sind zwischen den hochgeboren fursten, vnsern lieben hern, frunden, Ohmen vnd Swegern, hern fridrichen vnd hern wilhelm gebrudern, Herzogen zu Sachsen, lantgrauen In Doringen vnd Marggrauen zu Meissen, Iren lannden vnd luten, helffern vnd helffers helffern, Auch dem Capitel des Tumstifts zu wirczpurg, Ob sie dar Innen sein wollen, an eynem, Vnd dem Erwürdigen vnd hochgeboren fürsten, hern Sigmunden, Bischove zu wirczpurg vnd herzogen zu Sachsen, Ob er dar Innen sein wil, vnd hern Johannsen, hern fridrichen vnd hern Albrechten Marggrauen zu Brandenburg vnd Burggrauen zu Nuremberg, Iren lannden, luten, helffern vnd helffers helffern, am andern teyle, der sie dann von beyden teylen, auf hute datum dicz brifs, hie zu Halle uff einem früntlichem tage, den wir Erzbischove Gunther obgenant zwischen denselben parthien, dohin gemacht vnd verramet haben, genzlichen vnd mechtiglichen uf vns, als schidslute gestalt haben, Nemlich der obgenant herzog wilhelm von sachfen für sich vnd seinen obgenanten Bruder herzog fridrichen vnd sein parthien, helffer vnd helffers helffer, fur die er sich wissentlich angenommen vnd der gemechtigt hat, Auch des obgenanten Capitels zu wirczpurg, Ob sie dar Innen sein wollen, vnd der obgenant Marggraf fridrich für sich, vnd die obgenanten Bischove von wirczpurg, Ob er dar Innen sein wil, vnd Marggrauen Johannsen vnd Marggrauen Albrechten vnd Irn parthien, helffer vnd helffers helffer, fur die er sich ouch wissentlich angenommen vnd sich der gemechtigt hat, Vnd haben vns beyde obgemelt parthien bey Iren fürstenlichen werden, eren vnd trewen